





越風

卷二十三  
卷二十四



十



越風卷二十三

會稽商 盤寶意評選

山陰劉文蔚豹君

參訂

會稽宗聖垣芥颯

山陰王大治又新編輯

郭

毓 字又春諸暨人諸生著有筮山詩鈔

賈太傅古井歌

大橫庚庚光曉日。高帝之子天王出。王明用汝此一時。

賈傅胡為屢顛躓。少年痛哭再上書。絳灌鄧通爭毀譽。





恭承嘉惠長沙國。古井猶畱向故居。故居寥落幾千載。  
石牀柑樹今何在。君門如天不可攀。臣心似水終難改。  
澄泓芳冽近前墀。文甃層層碧蘚滋。鹿盧百尺轉無已。  
素纒千尋汲不辭。三年幽謫驚飛鵬。弔屈辭章不堪讀。  
被讒放逐兩情同。寸瀾分得湘波綠。勺水深沉涵古情。  
赤鯉願隨琴高生。詎比潯陽灌嬰井。聖銘方使後人驚。  
長古須得凝鍊句醒人耳目篇中如君門  
如天二語是凝處被讒放逐二語是鍊處

退筆

我力不能運臂肘。學作大字無鋒稜。寄蕭寺亦偶爾。

裏門以鐵無此僧。抄書松閣屋牕下。日割剡溪千尺藤。  
秋虵春蠖互轆轤。百雙老魏頭鬢濡。墨淋漓恣渴驥。  
落紙刺促驅凍蠅。中書不中竟何有。免冠而謝徒囚首。  
功成遞嬗物皆然。秃友退鋒名字醜。回憶初時快點曳。  
尖奴猥巧隨指授。湘篁鏤處泪花新。珊架裝來瓊樹剖。  
祇今愛憎異朝昏。忍教棄擲同芻狗。待瘞赤土澆清醕。  
應有精光見牛斗。

不作寒澁潦倒語可見作者性情温厚  
通首前後分韻是七古變格本諸少陵

題宗三芥颿紅袖烏絲圖



生不願學信陵君。日飲醇酒近婦人。又不願學韓熙載。  
 乞食歌姬披衲毳。百城坐擁自足豪。力追大雅扶風騷。  
 况君詩雄兼墨妙。得意往往驚吾曹。君詩不染香奩習。  
 君書不作簪花格。膩粉嬌香寫入圖。中有深情人不識。  
 丈夫懷抱藏風雷。手抉雲漢天章開。車無八騶後堂靜。  
 為爾寂寂胡為哉。不如大嚼屠門且快意。貌得文君綠  
 珠紛列侍。尚書紅杏府中居。俠客黃衫門外至。醉酣神  
 態婉飛揚。羨爾風流時世粧。詩成擲筆忽大笑。便喚三  
 郎作十郎。

縱橫排蕩一洗肥膩作此等題  
 正不必以綺交繡錯為能也

武陵大水行

極陰原洩崑崙渚。黑雲散作瀾漫雨。十日五日闔不開。  
 千里居人盡鍵戶。禾頭生耳歎良農。瓜蔓腐根愁老圃。  
 水神甲馬珮叢玲。飛廉前導陽侯鼓。牂牁江勢抱城來。  
 洪流迅激關強弩。駭浪陡高七十尺。毒龍怪蜃怒掀舞。  
 城西蠃穴潰長堤。城東犀角穿堅土。三更吶喊震萬家。  
 急似魚鳧擲網罟。穴瓦出屋屋已頽。水暴至壅門居人  
 皆穴瓦升屋脊以  
 待石雞不叫天。晦莽朗朗忽驚礮。礮光霹靂一聲雨。亂



下。叶。竄。奔。有。路。水。為。家。飛。漂。隨。流。雜。男。女。偶。然。得。樹。棲。  
上。枝。哭。聲。不。斷。招。柔。艣。哭。多。力。盡。氣。息。微。寂。不。聞。聲。沉。  
水。府。浹。旬。瀕。洞。勢。未。衰。婦。求。死。夫。子。求。父。我。亦。中。宵。瀕。  
死。身。越。人。善。泅。聊。撐。柱。背。裝。半。已。付。波。臣。豪。氣。還。畱。壯。  
羈。旅。驚。魂。痛。定。賦。新。詩。歲。當。丙。戌。月。夏。五。君。不。見。桃。花。  
源。裏。世。外。人。桑。麻。雞。犬。長。安。堵。  
狀難狀之景愈瑣屑愈見危苦  
讀者不樂作者方以為快也

遊羊石山

白石鑿鑿聲丁丁。輕舟棹入山中行。灣環回複不易入。

畧。約。倒。臥。松。溪。晴。瀦。水。成。潭。愛。綠。淨。東。洲。西。港。盤。曲。迎。  
旋。螺。蠹。石。若。鬢。髻。仰。面。望。見。新。翠。明。纍。纍。或。如。倉。囤。出。  
挺。挺。或。如。劍。戟。擎。若。星。若。雲。若。鋤。耨。森。羅。衆。有。紛。難。名。  
三。世。磨。礱。肖。帝。釋。一。龕。聳。拔。鏤。瑰。瓊。石佛寺石龕大像  
相傳僧廣淵者以  
成。之。三世工。谿。衍。洞。穴。喻。人。語。發。口。競。駭。洪。鐘。鳴。最。後。石。壁。  
當。面。列。藤。蘿。纏。似。曼。胡。纓。點。皴。妙。得。畫。家。法。世。間。好。手。  
不。敢。爭。廣。以。百。尺。高。幾。倍。位。置。妥。帖。屏。山。橫。水。行。窮。處。  
升。穹。阜。石。工。萬。斧。開。青。坪。砾。碎。滿。谷。雜。邪。許。忙。如。蟲。蟻。  
趨。羶。腥。上。高。者。誰。膽。若。斗。石工升絕壁取  
石者名上高工懸崖腰索風



中旌裂石崩墜忽千尺轟然怒作霹靂聲乃知向者諸  
怪狀半由琢削同天成吾疑造物有深意欲鑿混沌出  
瑋瑩棄材亦得示變幻神斧直劈輸巨靈諸石質有裂  
豐或險峻極  
者石工爲問何年始斲伐故老莫知歲幾更大官小霍  
多棄之盡剗削搜剔奇險遊人驚我來正當七月節爽氣况逐  
秋風生移山不笑愚公谷問羊欲就皇初平山以有石  
如羊得名

見曝書

亭集

點叙蒼老筆  
力得自韓蘇

童二樹書梅歌

君不見王山農沒骨媽花園側理閒散新銜列市門換  
米歸來飽妻子又不見劉雪湖筆端螺詰花紛施畫梅  
爲梅作肉譜雲初盡入生香枝近來好手忽中絕天遣  
山人腕如鐵奇懷盎盎融古春玉海掀翻元氣洩平生  
標格清且溫愛梅入骨忘朝昏忽驚十指芒角出姍姍  
追得羅浮魂山人自是好事者新詩照乘珠堪把吟從  
灞岸路欹斜夢到孤山月低亞瓊枝浮動臨風前衆香  
國以無香傳期君萬幅勿浪作此花結實非徒然酸鹹  
自得味外味明堂遲爾張瓊筵

榜嚴妙詩



感亡友劉鳳岡畫梅贈二樹事更作長歌呈二樹

并柬芥颯

昔者僧鱗遊明州。為君寫照窮雕鏤。蠻箋十版花一色。

直疑身作珠林侯。鳳岡別字僧鱗前客四明畫梅寄二樹題曰二樹小照後來我

結西湖社。君曾訪我孤山下。低徊繞樹發高吟。前身為

向晴牕寫。壬申客武林二樹和予孤山詩有劉楨奄化

春黯然。僧鱗下世淋漓墨妙隨雲烟。白楊蕭蕭北郭路。飛蓬

點點寒風旋。與君同作夷門客。喜君畫更添高格。玉樹

分移江岸清筆尖。洗出霜天白。昨與宗三過酒壚。梁園

突見花模糊。拂塵細認茅逸字。恍憶僧鱗拉友權。相於

山陰茅逸工詩畫與僧鱗二樹交善客茅劉與君交綺

死大梁時。與芥颯見其畫梅於酒肆。客茅劉與君交綺

歲我不識茅奉劉。袂豈應天上少驚才。異國蒿萊同雪

涕。遺文散軼君寶之。劉如夏鼎茅商彝。二樹愛二君詩

鳳距麟角更好在。飄零粉本神護持。我見茅畫思劉筆。

只有君同窺秘密。新枝漫復歎迷離。舊雨翻教助蕭瑟。

君作畫。我作歌。美酒吸盡金叵羅。宗三和詩特奇麗。激

昂奈我商聲何。請君畫梅兼用茅劉法。我與宗三歌。互

答莫聽山陽笛。裏聲梅花且認雙吟頰。



進往撫今不勝人琴之感  
馭題園轉如環尤徵筆妙

登黃鶴樓同周兩勝先生用東坡入峽詩韻

傑構臨江渚。攀登逞遠探。飛甍憑漢北。巨派接湘南。列

岫烟皆紫。渾流色轉藍。百川秋忽漲。二別勢相參。津步

尋何逕。叢祠露有龕。芳洲移作浦。平陸旋成潭。澤氣檐

前合。濤聲檻下含。但聞泥滑滑。不見柳毵毵。潏潏埋葭

葦。浸淫灌杞柎。愁霖應作賦。懷古且停驂。藪澤為區七

男厥數三。荆尸曾授子。啟寸僅乘籃。錯壤連揚豫。分

茅列子男。塗泥咸種稱。包貢尚遺柑。劍客矜超距。騷人

喜盍簪。土風音似鳩。蠻俗耳仍聃。日月波中浴。雲雷嶺

半涵。連山窺陝汝。度峽弔魚蠶。水宿曾無宅。崖棲競構

菴。崩灘深若窞。石室罄於甌。險阻終空恃。輕窳合自慙。

掛帆愁徑渡。狎浪信難諧。感舊還搔首。攜朋好劇談。詞

章君獨富。林壑我尤耽。鵠岸淪高隱。龜山襯薄嵐。夾江

原藉險。近市得無貪。估客紛如螳。漁舫疾似鷁。壯懷襟

共豁。選勝足猶堪。靜裏龍吟杳。歸來鶴夢酣。武昌魚可

食。畱滯此心甘。

其瓣香浣花也



長沙送張東美歸錫山

匣中雄劍夜深鳴。○生。縱。○碁局中心本不平。○冷熱情腸輪自轉。○浮沉踪跡蓋方傾。○蠅營狗苟成何事。○淮海汪波到底清。○我欲凌風生羽翼。○與君千里共鶯聲。

抵沅州城

繞郭彤霞晚照開。○飛橋綿亘截江迴。○秋從瘴雨蠻烟老。○人度山腰水腹來。○畫角風傳聲激烈。○女墻月上勢崔巍。○金湯萬里咽喉勝。○欲賦慚非倚馬才。

陳十四月泉自荊州寄書及詩次韻答之時從湯

大中丞僑寓武昌

大江西望水天長。○青鬢經秋易作霜。○一劍蒯緱成底事。○百錢沽酒更他鄉。○雲鴻有信聯明月。○岸柳無邊對夕陽。○開府漫勞頻寄語。○漢廷終不滯周昌。

三詩竟體清挺

巴陵

十日舟行不計遙。○巴陵南去路迢迢。○洞庭一夜春潮滿。○起看君山雪未消。

葉錡

字于湘號阮村山陰人太學生

○唐音未墜



鏡清菴訪鏡泉上人

臨水清如洗。空門靜入禪。好風惟戀竹。驟雨忽鳴蟬。淨界慈雲滿。孤香妙偈傳。不知明鏡裏。猶有幾重天。

過常玉山

社燕賓鴻去復來。經旬積雨長蒼苔。野。花。不。解。遊。人。意。偏。向。籃。輿。過。處。開。

王紹典 字會經諸暨人諸生

至嶺南喜見家兒 卜。字。悲。歡。交。集。 不信一為別於今十六年。離情歡聚首。總角想隨肩。細

認鬚眉老。因傷瘴癘纏。床頭頻聽雨。相對轉淒然。

周二監 字姬撰諸暨人諸生著有西巖詩鈔

五鳳嶺

丹山鳳為羽族雄。軒軒六翮排蒼穹。天風吹墜龍泉里。陡化五朶青芙蓉。我家草堂居其麓。五鳳成形宛在目。一峯翥舉傍層霄。一峯迴翔下深谷。旁列兩峯更超邁。低昂展翅遙相逐。最後一峯疑鳳雛。峯峯蔽翼如卵育。其餘截業百十隊。依稀衆鳥咸雌伏。仙人碧簫雲際來。四山響應天門開。我欲躡登紫霞上。暮遊璇室朝瑤臺。



自顧此身少仙骨。終恐墮落歸塵埃。鳳兮鳳兮知感召。  
 應尋梧竹山之隈。棲其所棲食所食。葦葦萋萋聞離喈。  
 相彼嚶鳴尚求友。何況百鳥之靈魁。終朝拄杖看山色。  
 翼干五采長徘徊。

嶽奇磊落  
青蓮之遺

犬搏虎行

怪哉里巷喧相語。小犬竟能搏猛虎。西村李叟年六旬。  
 日受饑寒老困苦。身外猶餘犬自隨。家中不見人同處。  
 曉持斤斧入山林。期採束薪換勺黍。山半忽聞腥風腥。

俄虎突出齧其股。當時亦有同行人。奔伏叢草色如土。  
 犬忽攬身數丈高。飛抉虎目健而武。猙獰騎虎聲亂嗥。  
 虎蠢犬靈虎竄去。犬直導主棄薪歸。負傷未重力可努。  
 我聞其事兼信疑。越陌爰諮叟舌吐。若非此犬捍衛功。  
 葬身虎腹同肥豸。犬雖有力能幾何。義勇獨不畏強禦。  
 微物猶知報主恩。狺狺豈屑盧令伍。龐然應笑黔之驢。  
 自矜踉蹌逞餘怒。

事為創見  
聽亦生疑

雨中渡錢塘



江頭風急雨瀟瀟。海氣橫空欲上潮。萬疊烟濃吳市晚。  
一痕翠淡越山遙。豪情快聽蛟龍吼。短景愁逢草木凋。  
恨滿鴟夷同屈子。忠魂還藉楚詞招。

乾溪道中

征衫何處浣塵泥。百感茫茫運不齊。薄霧山光時出沒。  
斷崖人影忽高低。浪遊自恨家輕別。久客誰憐路欲迷。  
荒歲可知遺種少。哀鴻空自繞烟畦。

閩南宋史偶成

分明戰守是良謀。金帛如何報寇讎。五國城中深夜雪。

朔風吹不到杭州。

張義年

字淳初。號潛亭。餘姚人。選貢生。任於潛。訓導。著有聯筠軒集。

琉璃河

曉。轡。揚。明。星。輕。烟。暮。高。柳。迢。遞。緬。京。甸。曠。望。極。淵。藪。澄。  
波。駁。空。綠。平。沙。俯。清。瀏。南。翔。鳧。在。洲。北。涉。魚。麗。鬪。信。知。  
尊。鱸。美。匪。復。季。鷹。有。白。鷺。何。禰。裊。笑。我。塵。面。垢。願。言。謝。  
衣。緇。相。將。采。菱。藕。

對雨

積雨極展眺。雲山互蒼莽。層陰淒以結。倏忽構異象。竹



中。有。至。理。未。經。道。過。

林清晝。名鳥啼。茅茨濕烟上。井里多煩憂。桑麻無由長。郊  
寒二麥黃。未足瞻俯仰。官符急催租。何以供緡鋤。物產  
有洞耗。生齒仍浩穰。悽惻山城春。矜矜意慨慷。未能攄  
壯懷。何時稅塵鞅。將謀二頃田。荷鋤成獨往。

昔人云不作無益之詩  
此種詩足備輜軒之採

奉懷外舅吳笠江先生

陰。雲。停。茂。岡。深。戶。覆。密。篠。露。泣。巖。花。暝。風。淒。谷。猿。曉。  
年。別。光。儀。饑。驅。荒。山。道。營。求。朝。夕。需。所。得。誠。已。渺。永。歎  
離。居。多。懽。愛。親。知。少。嗣。音。諒。悠。悠。奮。飛。徒。悄悄。形。隔。神

無。虧。情。感。路。匪。宵。籠。鳥。悲。故。林。延。頸。志。入。表。忘。憂。焉。得  
昔。食。苦。又。集。蓼。何。以。慰。長。懷。臨。風。觴。清。醪。

起二十字鍊不傷  
氣直臻諸謝神境

蟻

漆園談醯雞。常苦宇宙隘。一塵集毫端。於物未云怪。形  
質殊么麼。蠢動若織芥。種類繁有徒。招集靡所屆。如蟻  
緣穴隙。如春轉杵碓。純用郭景或上而或下。或向而或背。  
飄瞥蔽天日。肝鬻伺鼎鼐。妄測雨風意。狡逞帷幄外。人  
為萬物靈。與物本無害。強汝不量力。哆兮肆毒喙。嘔嚙



痛切膚。軫粟瘁成疥。口衆我覺寡。一甚其可再。潛師旋見襲。成陣稍能隊。以逸坐待勞。蓋粉掌握內。此輩死不惜。覆車未足戒。火攻列炬薰。一例焚蕭艾。驅除屏遠方。其勢爲稍殺。俄焉六合秋。一氣噫大塊。造物非不仁。盡殺其無悔。階闥還清平。襟袂納瀟灑。自古莽蜂詩。辛黎聖所誠。後患庶可懲。爲害不在大。

題境甚隘詩却寬綽有餘不必專有所指而爲惡不終之理言外可見

### 五人墓

起勢軒昂生不畏九千歲死不愧六君子。嗚呼五人者。希民振臂。

一呼乃壯士。逆賢威。談勢滔天。東林黨。錮毒流矢。銀鐺。

手擲一鷺。逃席藁頭懸。五人死。滿腔熱血。伍胥潮。駕帖。

倉皇落江水。齊民鼓亂。或非宜。匹夫義憤。良有以不殺。

羣鼠膽已碎。三吳風鶴自茲始。南都防亂。小朝廷。國事。

紛拏門穴。蟻王侯。悉是屠沽人。袞袞諸公。托黃綺。石頭。

已作諸淵生。東山又見謝安起。草間求活。忍須臾。淮王。

雞犬供刀七。獨有要離塚。畔七尺墳。俠骨千秋照。青史。

寫得五人生氣勃勃其蒼辣處幾於摸之有稜鞭之見血

### 項王墓



亡秦必楚卜三戶。漢王真龍項王虎。拔山蓋世稱英雄。  
 八千子弟奮西楚。嬴秦穢濁賴掃除。豈獨阿房空一炬。  
 不殺義帝漢亦殺九州。一錯誰能補鴻門。大度釋沛公。  
 不忍杯羹豈煦嫗。居巢老人抑何愚。碎斗發疽徒自苦。  
 天不助楚離不逝。虞兮虞兮泣如雨。生不即帝死真王。  
 區區韓信乃豎子。叶君不見大風飛揚猛士亡。吾為若  
 歌若楚舞。千秋萬歲思沛鄉。秋草長陵一坏土。

雖為項三左袒而筆落如山斷制  
 幾無餘議具此辣手方許論史

寄吳萃野先生并索畫冊

青山偃蹇如高人。思而不見空愴神。我生萬事不掛眼。

却愛山水行清樽。越江風動生酒鱗。柳花漠漠玻璃春。

雲門若耶多意態。微畱倩盼西家痕。醉時飲酒醒看山。

如對佳客攜紅裙。錢塘西渡片帆耳。漁人乍失桃花源。

潛州白酒白於水。枯腸羞澀聊自温。作詩無酒苦無氣。

有語欲吐還復吞。所喜天日落吾手。坐對晨夕翠可捫。

去年一宿緣旣慳。禱雨至天目  
一宿而還今年獨往計未真。居民

蕭條百家邑。亂峯合沓圍縣門。山居大都無所作。尋春

踏遍城南村。城南學舍小如鷓。欲去未得怪鳥蹲。新詩



自作自諷詠。溪花為我嫣然翻。生平頗笑宗少文。烟雲  
 滿面徒紛紛。何如汗漫遊萬里。終日鞭笞鸞鳳羣。邇來  
 却被山靈喚。有田不退胡逡巡。塊然守此兩天目。未知  
 五岳三山尊。掉頭東望一惆悵。故山招隱愁迷津。煩公  
 五日十日畫東絹。寄我一幅白水丹山雲。  
收束見章法。  
 追做大蘇在氣格。神情不在摘句尋章徒肖面目。

藺相如故里

秦王傳璧示美人。無意償城戲弄臣。臣頭願與璧俱碎。  
 秦王庭禮設九賓。欲使趙輕趙更重。勝兵十萬威強鄰。

趙再獲璧秦失璧。碎璧完璧能完身。滹池詐會計未遂。  
 懷王客死狼虎秦。楚何太愚趙何智。兩虎屹令君威伸。  
 相如智勇天下聞。薦賢不賞繆賢勲。  
陪客相形有致。  
餘韻鏗然。

孟廟

七國無王者。天生名世何能言。距楊墨吾道若江河。舊  
 宅三遷里。孤桐百尺柯。巖巖瞻氣象。萬古此山阿。

入園雨中

伏枕淒山雨。孤城暗早春。數聲將去雁。八口未歸人。雪  
 淡梅知味。泉清石有皴。玉堂魂夢醒。猿鶴伴閒身。



趙風 卷二十三  
張桓侯故里。不。獨。澆。筆。意。  
戮力金刀志未休。居民猶說閬中侯。吞吳恨洩三巴水。  
入蜀名垂老將頭。劍外烽烟連鳥道。帳前七首失虵矛。  
家山萬里英魂在。應向西南淚暗流。

二程夫子祠

派接濂溪水一隈。導源積石洛中開。每尋弄月吟風去。  
曾諫當春折柳來。名字長題元祐籍。文章終惜一蘇才。  
南行弟子傳吾道。親向門牆立雪回。

第六語足解  
洛蜀之黨

題陶午庄遠遊集

夜雨春多板屋眠。秦風樂府已新傳。曾經杜老行吟池。  
都似江郎賦恨篇。到處殘衫馱瘦馬。愁來錦字擘紅箋。  
思親憶弟天涯淚。併入佳人五十絃。

姚江竹枝詞

杯渡微風送櫂頭。寒潮暮雨黯春愁。離心莫似蘭江水。  
流過菁江便不流。  
城南腸斷聽春鶯。巽水濺裙脉脉情。楊葉肥時桃葉瘦。  
早潮落後暮潮生。

本。色。語。



西石渡頭水似烟。斷山寺外草粘天。行人莫拗垂絲柳。  
好泊儂家上塚船。  
蕭蕭絡緯動鳴車。一夕秋風拂鬢斜。織女黃姑相見後。  
上風可紀。夜燈齊紡木棉花。  
鐘鼓嚴城鎖不開。隔江燈火照崔嵬。妾居靈緒叢祠畔。  
好語棲烏莫夜來。

過張氏書齋觀牡丹

葉薄枝輕愛鼠姑。披烟帶雨錦模糊。天然粉本原無價。  
此是江南沒骨圖。

吳尊周

字洛宗號墨堂山陰人  
諸生著有則昔軒集

讀陶詩

陶公真傑者。明哲以保身。塵土一捐謝。便與清風親。孤  
松雜寒菊。擬之乃其倫。有書時復讀。有田不辭辛。游心  
入太古。對語惟鄉隣。和藹氣爲鼓。能使風俗淳。山中節  
候翻舊物。忽改新。耽吟樂時務。老作羲皇民。養色在無  
色。悠然見天真。因歎桃花源。避喧非避秦。所以逸民輩。  
宣聖傳其人。

爲陶公寫照詩  
亦穆如清風



紀寒行

世言南雪不到地。北方候正南方殊。今冬盛寒突過北。  
 北皆沙土南有湖。湖水千尺凍徹底。一雪十日從來無。  
 雪氣橫壓凍不解。上天下地成冰壺。平街堆雪若邱壘。  
 行人跋蹙沒半軀。貧家無米安得食。出門負販兼屠沽。  
 短衣百結及臀膝。袴邊露出紅肌膚。今朝諸物不入市。  
 束手何計慰妻孥。破屋滲漏爨烟滅。灶間啼煞張口雛。  
 大河凍盡港亦塞。漁舟三兩膠菰蒲。尾梢恍惚石撐住。  
 長波萬里琉璃宗。冰前開後復合打。面如彈皆冰珠。

水陸路絕接瑤海。廬舍冷落封荒廚。雙扉扃塞牕補紙。

尖風感發乘其虛。檐溜圓潔掛晶箔。餘絲滴淅垂銀鬚。

屋頭不勝千斛水。棖棟一折誰攙扶。欲避不避忽自笑。

此事母乃愁皮膜。斗間暝坐聞不語。偃僂僵體如攀拘。

唾餘到地輒擊碎。鼻觀伸縮氣欲枯。幾回苦吟不得句。

十指捉筆紅薑粗。夜來燒燈光陰晦。時聞雞犬聲悲鳴。

浩漫天意胡太酷。使我窮日慘不愉。來朝暮雲蕩盡呈。

陽鳥頓令窮檐寒。密爲春都。

狂搜險覓滔滔不窮氣格極似大蘇



白蓮

澄波開似鏡。綽約罷妝時。定入昆盧閣。晴搖太液池。香  
憐涼月沁。影怕曉風知。畱取青羅扇。來朝欲贈誰。

第六語離貌取  
神用筆入微

螭浦夜泊

秋樹棲鷗葉。半凋輕帆面。面轉巖椒。漁舟掛網無魚賣。

野店懸燈為客招。夜靜星河連水濶。風生虎兕出山驕。

遊仙直上瓊臺路。一枕烟霞夢未遙。時有天  
台之遊

客有談仙佛事者。口占以應

仙成棄世佛辭家。枯寂甘心絕綺華。死後有人搜粉骨。  
饑來何處種胡麻。雪山空長無憂樹。瑤島難尋不謝花。  
真際猶存吾道富。一編風雨足生涯。

中四語從常論翻  
進一層快人耳目  
馮至字紹泰諸  
賢人諸生

病起

縹緲茶烟掠鬢絲。小樓病起強支持。字殘蝨飽新書葉。

水涸塵封舊硯池。五夜歌聲隣笛怨。一春心事落花知。

自憐瘦影難成夢。杜宇哀啼向曉時。



自楊文振字文振諸暨人鐵崖裔孫布衣

秋夜雜感

萬卷樓高臥一編。青細遺業媿當年。劍矛頭上炊羹飯。豺虎中間對聖賢。江路維舟曾罵鬼。海天吹笛詎飛仙。祇應楚客悲秋句。譜入軒皇五十絃。

張勳字采蓴餘姚人諸生著有綠雪軒詩草

遊師子林

吳中師子林聞名耳。已熟暮春振孤策。來此散幽獨。周遭只數畝。結構良非俗。梅竹杏難尋。舊有問梅開長溪修竹谷今廢

自清淑。澄澈一池水。飛虹過石屋。山洞多盤紆。恍遊武夷曲。岩低常折腰。徑仄僅容足。步步引入勝。重重更作束。夔州八陣圖。想亦同此局。羅列諸山峯。詭恠殊駭矚。其狀類狡獬。變化不一族。或如昂霄吼。或如向月伏。或如渴飲泉。或如癢搔木。小如兒抱頭。大如母垂腹。一望高復下。千層斷還續。既疑巨靈劈。却肖五丁劚。不然萬歲龍。蛻骨堆深谷。米顛若再生。對此應匍匐。縱觀樂忘歸。隣寺暮鐘促。此園本僧寮。歲久已屢鬻。作者費苦心。取悅他人目。青邱舊畱題。低徊為三復。



自靈隱登韜光絕頂。峭壁高插天。藤蘿絡寒翠。何  
 言刹三百六。雅愛靈隱寺。峭壁高插天。藤蘿絡寒翠。何  
 我飛來峯。突兀凜欲墜。漉漉冷泉響。風行愛鱗次。循廊  
 山椒夷坦儼平地。修竹蔽雲日。森立大于臂。刻之引  
 瀟泉。山厨烹飪寄巖深。滿鹿跡林寂。鮮鳥翅路轉。峯亦  
 迥取徑益幽。邃紺殿駕晴碧。羣山如從吏。升階極遠眺。  
 兩峯南北異。樹杪露江光。帆檣辨三四。疎鐘上界清。夕  
 照寒林媚。茲地與靈隱。寺一山門二。好事別支派。標榜  
 立名字。試詠路丞詩。愈深泉石思。

與前一首為山寫照如龍眠居士作山莊  
 圖使後來入山者信足而行自得道路

姚江大水行

濕雲翻雨天色冥。烈風捲水江隄傾。怒濤駭浪百川沸。  
 直教跬步通滄溟。姚江廬舍頗高墪。猶苦堂室生浮萍。  
 其他下墊不勝數。茅屋漂蕩隨長鯨。日來風息雨亦止。  
 天吳海若猶紛爭。匡牀抵夜曷敢臥。俯視皎皎搖鱗星。  
 游魚入釜蛙產竈。遠近林鳥皆饑鳴。登樓一望倍太息。  
 村農悲涕交縱橫。禾頭生耳木綿死。還從水底收殘莖。  
 水蒸日炙四肢憊。肌體銷鑠無人形。宵晝拮据僅升斗。



况。乃。臭。腐。非。香。稅。憶。昨。夏。五。苦。淫。雨。一。月。不。見。天。晴。明。  
 布。袍。賣。盡。買。秧。種。始。得。畝。畝。連。葱。青。豈。知。臨。秋。復。遭。此。  
 窮。黎。何。以。充。常。征。吾。聞。捍。災。本。有。術。江。塘。澤。障。非。虛。名。  
 修。之。所。費。信。可。計。一。人。倡。議。何。難。行。力。微。言。賤。究。何。補。  
 長。歌。空。作。悲。哀。聲。夜。闌。投。筆。起。出。戶。野。外。時。有。蛟。龍。腥。  
 偶。值。偏。災。惻。心。蒿。月。少。  
 陵。所。謂。憂。國。願。年。豐。也。

江上對雨

十。日。掩。柴。門。溟。濛。斷。客。魂。亂。帆。天。際。重。春。樹。雨。中。昏。硯。  
 潤。新。蕉。葉。衣。蒸。舊。酒。痕。桃。花。三。尺。漲。漁。市。上。河。豚。

山陰道上

閒。載。琴。樽。自。在。行。遙。峯。如。黛。露。新。晴。朱。櫻。白。笋。春。風。足。  
 碧。草。黃。鵝。水。郭。清。蠶。值。三。眠。喜。寒。淺。茶。當。新。焙。愛。香。輕。  
 鑑。湖。到。處。漁。人。宅。時。聽。鳴。榔。一。兩。聲。

鑑湖春色描畫生新

風致與皮陸相近

陸溶字春波山人諸生

夜坐曲

沉。沉。院。落。春。如。水。玉。篆。籠。烟。薄。於。紙。美。人。掩。映。綺。寮。中。  
 蝴。蝶。飛。來。驚。不。起。花。底。風。生。環。珮。寒。銅。龍。細。數。漏。聲。殘。



露梢芴藥扶頭重。紅滴珍珠濕畫紈。

周昉摹神之筆

胡大銓 字鶴洲號左山 山陰人諸生

送茹遜來之粵東

羅浮仙人居珠江好風月。努力愛春光。奚惜今朝別。所  
嗟含意深。相視轉嗚咽。意中如有忘。口中不能說。感君  
有真氣。欸欸日以新。有酒共斟酌。自足怡心神。君今遠  
方去。蕭然惟一身。夜寒風蕭蕭。月出江鱗鱗。縱然有歸  
夢。安必逢故人。故人在河梁。問君顏色好。不用多寄書。

願言相見早

質直樸老感人自深 音響亦逼近漢魏

客中秋感

吳江東望水雲遙。獵獵西風漲海濤。客裏再逢秋色老。  
愁中偏聽雁聲高。碧天霜冷黃花酒。衰草寒侵白苧袍。  
慷慨幾雲曾入洛。近來誰是少年豪。

章汝榕 字鶴汀會稽人諸生

送伯兄響山之江右

此去知無恨。西江有老親。所悲相見日。俱是異鄉人。往

情至語



事青袍誤趨庭白髮新那能營十畝耕養得歸真

渡江

高秋雲物墮蒼茫一片江帆趁夕陽橫逸解珮有心捐澧浦

鸞弓無路掛扶桑十年書劍蒙塵老八月魚龍赴海忙

多少漁舟爭鼓柁肯將身世問滄浪

楊祖桂字笠帆山陰人諸生著有石墟山房詩鈔

薄命妾

嚴霜植春桐早作摧折心紅顏本脆質敢望君恩深  
凌霄千尺花莫邪百鍊金樹死花不移土陶金不侵誰將

萬象輝鑿此區區沈

可以怨

憫驢行

瘦驢晨饑斃荒草過客催行驢不飽山途塊北車涉泥

未行百里日已西坐者不知行者滑但把長鞭打驢骨

一驢之骨能幾何一身長載千鈞多倉皇負痛思一奮

又恐翻車事交債長鳴向人悲者誰路人但笑驢無知

同為天地生生衆一物不安身亦痛此驢誰忍甘卒瘞

滿身瘡痍生蟲蛆豈無搖尾金鈴犬食肉無憂臥芳藪



亦有銜。蟬。雪。色。貓。廣。庭。父。手。嬉。兒。曹。上。天。賦。物。有。勞。逸。  
 憔悴燕安紛不一。集枯集苑良有辭。適榮適辱何須悲。  
 一朝驢死車脫輻。几俎高張賣驢肉。薄膚豈足充大庖。  
 燔桑遠鬻東阿膠。

借題發抒仁民愛物之意自見

西冷橋荷花

取神  
 三十六陂遠。絲華此地多月明。搖翠露。風定養文波。抱  
 影雙鴛宿。銜香一鷺過。畫船休便轉。留聽夜深歌。

趙青 字來雨山陰人太學生著有曉山詩鈔

伏波將軍銅鼓歌為商寶意先生賦

武侯昔日征蠻土。遺鼓畱傳登秘府。蒼梧刺史日南來。  
 示我以鼓。鼓更古。以銅為質。音異革。云是伏波之銅鼓。  
 舊傳此鼓出駱越。金釵擊處聲迅發。當年蠻女煽妖氛。  
 蠻犀馱向軍門列。將軍一戰掃欃槍。功成銅柱標奇蹟。  
 振旅因攜此鼓歸。模糊痕帶諸蠻血。而今見鼓悉鼓形。  
 螭紋剝落生古青。堞風茵雨侵蝕久。土花紫鏽無銅腥。  
 紐根蟲嚙更奇詭。炯炯炎精聲未死。委遺不類長平戈。  
 珍惜應同肅慎矢。我時再拜試一擊。絳縹旋風起四壁。



耳邊隱隱啼蠻魂。彷彿沙場刁斗急。我爲將軍歌轉哀。  
不共鄧禹圖雲臺。明珠讒入痛藁葬。原陵荒碣生蒼苔。  
此物滄桑閱人代。疑有神呵鬼護。搏風雷。吁嗟乎將軍。  
之鼓千載自完好。豈與銅駝鐵狄消塵埃。

人與物夾寫是伏波不是  
諸葛古色迷離日花眩爛

訪煮石山農梅花書屋

青山環繞詩人宅。蠟屐逶迤苔徑僻。故老猶能識廢居。  
指點梅花認遺蹟。先生元季稱軼才。壯志豈忍埋蒿萊。  
遭逢乃在至正末。駿馬空上黃金臺。筆端聊寫羅浮片。

生平自具梅花骨。疎影羞爲玉笛吹。歸臥南園晞素髮。  
溪畔曾栽百樹春。茅簷漠漠生香塵。掃葉臨流甘煮石。  
緣橋踏雪同負薪。可憐瀟落無知己。九里屯兵處士死。  
守義不願爲參軍。姓字誰令在明史。百年灰劫滄桑變。  
孤村烟斷雲成片。夜雨愁聞止屋烏。春陰何處營巢燕。  
危巖古木空諸有名與孤山垂不朽。夕陽影裏弔西風。  
對花且飲屠蘇酒。

層折頓挫風骨  
不落開寶以下

孟蘭盆會歌



起。鬼。氣。索。索。  
 黑雲壓壇雲漠漠。幢影飄揚鳴梵鐸。瑜珈焰口夜招魂。  
 錫聲震破幽城鑰。瞿曇呪粟粟滿孟孟。蘭法食同醍醐。  
 畫絃召處鬼音急。鬼車載鬼飛訓狐。須臾鬼氣徧四野。  
 颯颯旋風馳鬼馬。月光慘淡不分明。陰火潛燃殘燭炷。  
 靈幡忽捲吹紙錢。蘿衣蕙帶拋荒烟。一年一度逢此夜。  
 法王大酺懽黃泉。孟蘭盆太倉粟。彈指饑魂歌果腹。從  
 來鬼事尚虛無。賑恤旋看週鬼錄。君不見北斗闌干鬼  
餘。響。悽。然。  
 已還播間正有窮民哭。

奇詭極矣。正以  
 不摹呂谷為高

讀越絕書

忠。難。君。臣。共。功。仇。報。復。殊。鑄。金。誠。念。舊。賜。劍。亦。何。辜。死。

曉渡錢塘

江。澗。天。疑。曙。衫。寒。酒。乍。醒。雨。餘。山。氣。白。潮。落。海。門。青。孤。

讀明史至東林事有感

私。獄。何。難。銅。黨。人。哲。士。保。身。無。郭。泰。匹。夫。慕。義。有。安。民。



至今遺恨東林事。杜宇吞聲碧血新。西。大。漢。遠。存。安。用。  
中。二。聯。字。字。沉。痛。氣。機。又。復。流。  
轉。此。種。筆。墨。何。必。界。限。古。今。

漫感

望門投刺笑人癡。醉後高歌招隱詞。十載守雌惟效舌。  
新。新。解。解。限。限。  
五官無用莫如眉。歸來南畝衣原素。搔向西風鬢未絲。  
我已此心忘得失。置身木雁總隨時。

三江謁湯公祠

憂勞曾紀史。臣編疏。鑿功成萬歷年。立石象。星符禹劔。  
驅山填海笑秦鞭。江城在昔通潮汐。澤國而今畫井田。

指嘆遺祠偏寂寞。實村民報賽夕陽邊。

石書先生一律  
後此堪嗣響

秋興

半瓢清酒自澆愁。慷慨悲歌獨倚樓。誰道守株堪待兔。  
還憐刻棘未成猴。侏儒三尺猶多粟。葦韭千畦亦擬侯。  
何事男兒空刺促。長眉換綠不勝秋。

孔山同劉蘭輝作

望中面面畫圖開。勝境留人未忍回。山。駕。石。梁。雲。倒。出。  
瀟。瀟。當。松。頂。水。橫。來。遊。魚。隱。藻。吹。幃。影。馴。鴿。脚。花。下。釣。臺。



曲徑通幽空翠襲。頻移坐席醉香醅。  
三四與石壓笋斜出崖。懸花倒生一種落墨。

咏並蒂荷花

雙臉分香麗色浮。昭陽殿裡想同游。新妝並倚休相如。

統扇飄零一樣秋。  
字若士號拙菴山陰人官江陰縣尉著有豐山詩鈔

何應杰

擬履霜操

兒罪伊何兮而兒不知。率彼曠野兮如鹿如麋。朝不得食兮夜不得席。而棲獨行踽踽兮嚴霜侵肌。嗚呼兒罪。

當遂兮父母孔慈。

咏圓圓

與梅村七古。參看可以並傳。圓圓一女子。卓犖觀變早。朱邸遇英雄。特以色見好。折

節謝中宮。崇讓頗合道。抗志匿星冠。豈由頰色槁。脫身

逆藉中。深心託瑤州。自非超曠安。蛾眉那可保。

何將軍苗刀行

吾輩苗人鑄佩刀。千淬萬鍛窮昏朝。將軍此刀堪吹毛。

自能應手成勳勞。功成提攜長在手。迢遙來白臺灣右。

殺氣時時見虎文。雄聲夜夜聞龍吼。色正芒寒堅截鍊。



陣前幾剝重鎧裂。繞指光。甚柔欲流通。人腸穢。血猶熱。  
。神。然。而。止。含。意。無。邊。

### 南北船行

北船得水又得風。瞬息千里如乘空。南船坐苦風水急。  
欲上不上灘頭立。霎時風色朝暮改。北船反羨南船快。  
。理。真。詞。健。節。知。韻。長。

南北順逆亦偶爾。獨倚江樓望江水。

### 江村晚眺

遠岸霽殘雨。孤村生晚暉。天連秋水動。雲逐塞鴻飛。  
池。解。逢。人。少。心。平。忤。物。稀。獨。憐。時。序。改。客。子。未。成。衣。  
。神。似。台。承。

### 立秋夜作

瑟瑟風侵座。纖纖月挂天。初涼生水際。一葉墮崖巔。  
暑。破。閒。團。扇。秋。歸。憶。舊。瓊。從。茲。聞。蟋。蟀。夜。夜。伴。愁。眠。  
。清。真。一。氣。

### 偶吟

稽留江上客。又復過秋期。燕已辭空壘。花猶戀舊枝。  
宦。途。九。折。坂。世。事。一。枰。棋。縱。使。歌。歸。去。抽。簪。悔。已。遲。  
。韻。流。句。外。



越風卷二十四  
 會稽商 盤寶意評選  
 山陰劉文蔚豹君 參訂  
 會稽宗聖垣芥 賦  
 山陰王大治 又新編輯  
 陶廷珍 字效川 號午庄 會稽人  
 選貢生 著有午庄詩鈔  
 遊紅崖觀  
 地出山中 高山隨地 轉見地不見 山遠露一痕 淺出  
 郭訪紅崖 數里接平行 一徑趨陂陀 藤蔓失除剪 高閣

越風卷二十四

會稽商 盤寶意評選

山陰劉文蔚豹君

參訂

會稽宗聖垣芥 賦

山陰王大治 又新編輯

陶廷珍 字效川 號午庄 會稽人 選貢生 著有午庄詩鈔

遊紅崖觀

地出山中 高山隨地 轉見地不見 山遠露一痕 淺出 郭訪紅崖 數里接平行 一徑趨陂陀 藤蔓失除剪 高閣



屯烟霞柴門雜雞犬滑步窘石稜登臨恣流眄負暄有  
髮僧冬烘坐苔蘚世界頗清幽仙釋費推辨羣峯雪乍  
消風色怪輕軟小坐看雲生倚闌索茗薈

起二十字身親  
其境者能言之

長寧驛

連朝困峻坂執轡筋力疲詰旦詢僕夫前路指坦夷蒼  
崖尚環擁中伏千熊羆橋崩積雪裂水澀長冰漸行纏  
牢結束且喜越隴坻併日走長道人馬同持饑却望關  
以南不見荆與岐秦亭矗孤嶺日落雲霧披餽糧告罄

盡風雪知了期此驛抵縣門百里無稽遲西陲設門戶  
行旅肩相隨日歸有早計來歲賦載馳

崖蜜

山蜂不亂羣響應每朋附導引貴從容招致有先務如  
蟻誘以羶譬兵利用募刻木作懸窠膏液自成庫分房  
入雲根倚石更牢固中藏百和香氣息盡融注採擷藉  
纖腰呼吸雜濃霧花間幾逐歸樹杪千聲在利穎在生  
民巖罅成碁布秦人昧物理暴殄實貽誤刻孔始通透  
終乃設禁錮方當退衙時遠訝闔門捕聚族就烹煎焦



爛不知數但稱能事意作考盡殺亦知惡

語語生造無一字庸弱比之利劍寧可折不為絲指柔也○惟利致害至終老不知辛苦為誰言

語猶落第二義也篇中不明出正意手筆最

大小山

南北本一山大小分兩段飛來飲時一下中

藏虎豹窟猝遇不可救想

詢地主指說已驚訝行

騎發縱轡一鞭乍攢拳如劍

雪。人。影。陷。石。罅。懸。崖。闖。雲。入。

小山兀已迓平生不善騎飛棧况騰跨衝風汗在背提  
涕凍盈帕韉勒戒失手捫氣僊腰胯前山忽坦腹延竚  
稍整暇却笑頭目輕比似百鈞卸

青花峽

羣山轉尻股巖壑忽道整層巒青縱花高石圓疊餅干  
盤。磴。錯。出。一。綫。路。合。併。晴。嵐。照。寒。旭。展。眺。悅。清。景。老。雪。  
與。殘。冰。映。帶。澹。吾。影。地。氣。亦。漸。溫。知。近。南。方。丙。停。鞭。心  
自念攬勝絕人境木葉忽打頭驚疑負嶠猛同行急並  
轡出谷敢延頸



鐵山

刻。按。何。穹。窿。石。色。儼。重。鎧。沉。寒。隱。深。秀。老。鍊。發。精。采。崖  
窾。膩。塵。垢。磨。洗。俟。真。宰。短。草。不。可。青。春。風。謝。無。罪。人。或  
思。點。金。所。見。亦。鄙。猥。謀。沮。愚。公。移。大。道。忌。積。賄。我。欲。招  
嵇。康。增。竈。使。煨。乃。

三詩奇境須得此驚人句寫之  
用韻警峭更出人意想之外

盤豆驛

○奇○想○得○未○曾○有○  
叢山如破衣。人似虱。緣縫盤旋一線中。欲速不得縱高  
塵接雲霧填塞眼。耳空終朝汗如灌。膚曝烈日痛荒驛。

豎孤烟。喘定一駐鞚。永漿乞茆店。安得量瓶甕。出關馬  
已瘖。望嶽目猶送。千峯拱太華。主一餘皆從。長途聊自  
遣。羞作步兵慟。

正定天寧閣大佛歌

穹窿紺宇飛雕題。千尋綵索懸琉璃。金身丈六倍以五。  
星辰手摘天為低。陽鳥陰兔正子午。光景照耀眉稜齊。  
樓登百級見腰股。欲望肩背愁攀躋。圓光透徹大方廣。  
法幢高颺緣丹梯。六鰲負戴自牢固。詎藉白象兼青猊。  
回頭下界絕人影。瑣屑甕口騰醯雞。天花散作蝴蝶舉。

如○此○矣○子○畫○華○嚴○相○妙○與○佛○會○



墮未及地成虹霓。人天師具千手眼。瓶鉢劍戟捧且提。  
 螺青山色堆髻靜。珠瓔寶珞彤雲袿。秦庭十二費鼓鑄。  
 頑影驚動漁陽鼙。漢家仙人掌承露。宮門牽出徒酸嘶。  
 空色兩是一。卽二銅肌膚潤無垢。鯨普門救度觀自在。  
 開齋鉢範遠可稽。滹沱北望隔城影。策蹇得得循春畦。  
 山門仰睇目力淺。瞻拜既退忘端倪。匆匆孟瑛虛木擲。  
 小規落日平於西。

其正法眼放大光明中。顯素庭十二數語色相空靈普照一切。

覆車行

危橋逼仄石骨頹。水聲號號車轟雷。兩驂窘步忽顛趾。

失勢一落雙輪推。水入空箱泥滿袴。後車奔救前車下。

一時情事描寫宛然。與人愛馬如愛身。傷不問人先問馬。僕撫我背屈不伸。

我驚不怒僕已嗔。偃僕互掖並起立。怒鞭其馬兼及人。

與人前致辭。伊感客自貽。遇險盍避險。下車理則宜。客

今自安坐顛仆奚足奇。客身幸未傷。毀折將咎誰。我聞

斯言若聞道。始信疎虞怵年少。世路輒軻盡太行。飄蓬

寧歎風塵老。倏忽鴻毛性命輕。哲人尤貴知幾早。

平地尚有風波。何論江湖浩蕩。餘生飄泊。惟哲人愈不能免。可勝慨哉。展讀終篇。撫膺太息。



趙州栢林寺吳道子畫水歌

趙州東郭祗園門。吳道子畫水壁存三十六萬朝與昏。  
 淨。五。壁。立。不。止。塵。畫。出。十。手。兩。手。分。武。翻。雪。浪。文。鞞。紋。  
 五。里。十。里。江。海。奔。豈。直。入。九。雲。夢。吞。沐。日。浴。月。光。景。新。  
 洞。庭。秋。曉。扶。桑。暎。壁。上。來。觀。觀。已。止。始。知。觀。海。難。為。水。  
大沼廻瀾有饑蛟掉尾之勢  
 作者亦其繪水繪聲手矣

石人

鄆城西來栢城迫。欖槍夜隕平沙積。非鬼非人語刺刺。  
 銅馬真人動魂魄。步光稜稜覘石脊。石被天驚月為赤。

南奔會飯滹沱麥。古道殘碑儼陳迹。中興漢帝隆準孫。  
 斬石聲同斬蛇赫。至今衰草染腥風。石頭猶獻空郊馘。

堅鍊緊峭却不  
 落昌谷窠臼

謁華嶽廟

羣山蜿蜒趨河潼。巨靈一擘開鴻濛。職司少昊秩三公。  
 峩眉太白胥牢籠。駢車翹首百里外。浮雲積雪填高空。  
高。視。闊。步。筆。陣。昂。昂。  
 擠排三輔作屏障。氣象直壓終南終明星。落落近可數。  
 隨風搖動千芙蓉。青螺日給幾萬斛。洗頭玉女來僮僮。  
是。華。嶽。真。面。日。  
 鏤金錯采媚真宰。跡混斧鑿愁神工。聚精在骨不在肉。



志風  
卷二四  
六

陡立坎虎欺離龍廻峯遞轉面忽正大方廣闢金天宮  
丸丸翠栢冷日色人影隔絕圍高墉登塔拾級慮决踵  
金身肅穆難爲容老巫洒掃謹香火爲擊清磬導鞠躬  
丹青四壁列神仗旌幢一一翻深紅高旒十二接飛棟  
峩峩司寇冠當中後豎萬壽閣窈窕前瞻五鳳樓穹窿  
希夷坐睡石尚穩毛女飛走尋無踪名山異事難悉考  
記憶一二餘皆同舉頭目力苦不到攀陟敢笑昌黎窮  
中條脈絡導西海崑崙北折連巴東 王朝遣祭到關  
右神聽祝告恒思聰蓐收位次五天帝尊敵泰岱昭寅

恭伊犁準噶逮回部指麾神力成戎功幸桑台吉崩厥  
角廟門瞻視驚愚蒙凜遵 王度荷慶禮兌宅永定堯  
年封我來風日正晴霽邃殿寂靜無蟒螭出門嶽色轉  
幽隱冷翠倒撲人心胸三峯月上烟朦朧回頭響動黃  
昏鐘

大力量大氣魄與昌黎謁衡嶽廟  
詩合觀後莫辨其爲今爲古也

渭南道中望嶽

白日過關寒清渭達河便攬勝路綿長嶽色有餘戀十  
里一迴頭五里一當面真形昏且殊隨意陰晴變模糊



未了青飛翠落遙。甸惡此人烟稠。使我目力眩城頭暮。  
雲垂匹練。老鴉盤空恣呼。怵打頭粗雪。一萬片玉女蓮。  
花都不見。

寒食

去年寒食相州道。馬首東風搖百草。今年寒食隴西頭。  
山隱重雲冰雪老。出郭何從折柳條。裝綿且欲添袍襖。  
山縣春寒不禁烟。古墓新阡同日掃。官齋坐臥一事無。  
白酒聊傾滌煩惱。濕畦剪韭餅出籠。熟熟生疎味俱好。  
曾無相識燕飛來。爲買鸚哥種紅稻。

疎放壆  
肖坡公

水磨

馮夷出力工環繞。圓折方流費多少。擁擠清泉却倒行。  
山房贏得盤渦小。糝糠任汗碧玻璃。火急輪迴石頭掉。  
步步聲催過去因。團團花散空明沼。人間泡影孰回頭。  
井臼生涯拙似鳩。匆忙落後成枯蠹。陳迹牽連感老牛。  
澌澌春流過山趾。千鈞旋轉輕於紙。沽酒田家賀麥秋。  
重羅白麵新登市。十字開籠索餅師。飛瓊落雪隨烟水。

水碓已多名。作是篇認題刻。  
劃移易不得。具見匠心獨運。



驪山湯泉行

開元遺事真荒唐。繚垣窟室驪山陽。可憐王氣鍾焦土。  
樓臺重整秦阿房。噴香乳竇足澣濯。九成避暑喧隋煬。  
玲瓏玉甃十八所。綵鳧流山東西廂。玉環承恩賜第二。  
一時妖冶無姬姜。宮中洗兒恣荒穢。澡身滄海難爲償。  
○從○本○題○發○出○議○論○雙○關○入○妙○ 我。粧。細。馬。走。秦。號。喝。于。笑。語。來。明。璫。探。湯。滅。頂。早。不。戒。  
禍。同。沃。雪。延。蕭。墻。漁。陽。騎。肆。泉。始。達。沸。不。可。止。湯。空。揚。  
潏。然。陰。火。誰。撲。滅。抱。薪。赴。救。逾。倉。皇。千。門。萬。戶。悉。灰。燼。  
○一○筆○鉤○轉○ 豁。露。泉。眼。畱。清。涼。地。氣。自。蒸。風。自。散。蘭。湯。夜。濯。天。孫。裳。

我騎欵段一憑弔。猶驚太子名虛堂。青行纏卸試遊戲。  
貴且快意形俱忘。暖雲扶立勢浮動。倏忽失足移中央。  
丹砂蘊伏炙手熱。激搏腠理森開張。離龍坎虎互協力。  
鎔化垢膩成芬芳。終朝就深復就淺。振衣還欲凌高岡。  
松風謾謾烟蒼蒼。殘山剩水悲前王。君不見華清月冷  
寒蟾死。馬嵬空掛招魂紙。莫醜紅塵蜀道難。長拋錦襖  
東流水。

玉液金漿供我煅鍊不似  
平泉寒澗一瀉無餘也

望太行山



一望崑崙起。迢迢百郡連。雲中常失頂。山外恐無天。入塞遙隨鴈。浮青直到燕。長途容飽看。嵐翠撲吟鞭。

望風陵渡

潼津與蒲坂。對岸兩重關。地氣青蟠嶽。河身白貫山。王官飛鳥沒。雷首片雲還。千里龍門折。中條第一灣。

法林寺

香閣城南徑。人烟隔幾重。藏經生碧蠹。法雨潤青松。樓占三弓地。風傳一縣鐘。吟身喜無任。來往自從容。

宿射樹坪

磴道盤空盡。斜坡接小村。半山遙見屋。深樹不知門。水磨喧人語。風燈露石根。卸鞍聊住脚。雪夜夢難溫。

中二聯純乎狀景以跳脫之筆出之便不落纖靡之習

上巳山行

辜負家園夢。青山走馬看。春風吹面熱。人影過溪寒。谷口烟初合。峯頭雪未乾。蘭亭觴詠事。料理客中難。

抵隴州

塞鴈辭春返。秦雲過隴飛。避塵輕側帽。畏日厚添衣。石亂灘聲雜。山長騎影稀。城門遙在望。烟火隔林微。



過。滹。沱。河。北。望。燕。雲。路。遞。增。滹。沱。沙。淺。水。空。澄。官。橋。柳。暗。初。生。月。  
 板。屋。檐。低。早。上。燈。客。過。長。亭。思。麥。飯。馬。閒。芳。草。斷。春。水。  
 烟。波。差。比。清。漳。潤。輸。與。黃。河。浪。幾。層。

使事在離卽之間  
便覺生動可喜

嶠陵

萬。壑。千。山。赴。孟。津。二。陵。風。雨。弔。先。秦。傷。心。從。死。三。良。穴。  
 痛。哭。臨。戎。一。个。臣。熊。耳。中。峯。成。夾。輔。虎。牢。天。險。壓。東。隣。  
 茫。茫。今。古。興。亡。跡。飛。鳥。斜。陽。送。旅。人。

弔古詩難於渾脫三四  
不斤斤屬對彌見工切

茂陵

天。馬。歌。成。絕。塞。還。無。端。帶。劍。上。邱。山。生。前。靈。藥。求。滄。海。  
 死。後。銅。人。出。漢。關。三。輔。秋。風。吹。宿。草。一。杯。小。塚。伴。紅。顏。  
 傷。心。玉。盃。歸。何。處。或。賣。秦。王。地。市。間。

鳳翔

鐵。騎。漁。陽。勢。日。增。孤。臣。慟。哭。到。昭。陵。蘇。鞞。間。道。趨。行。在。  
 龍。武。新。軍。望。中。興。百。萬。陳。陶。輕。覆。沒。三。千。回。紆。轉。驍。騰。  
 西。京。天。險。憑。關。隴。往。事。倉。皇。一。撫。膺。



威氣盤旋指揮如意如  
神駒出水任其蹉跎  
望吳嶽

回中烟樹隔汧陽。遙指吳山過鳳翔。積雪暗連秦上時。  
晴雲飛出漢陳倉。影蟠隴蜀中分秀。脈導荆岐一綫長。  
聞說靈湫堪攬勝。行纏殊恨太匆忙。

關山

秦中門戶瞰臨洮。萬仞崇岡壓巨鰲。鑿險路分鶉首隘。  
盤空人俯隴頭高。雲移絕壁開熊館。雪滿長溝設虎牢。  
此去涼州風土近。馬肥苜蓿酒蒲桃。

二詩雄濶蒼堅關中形勝俱在筆底昔人云讀萬卷書走萬里路可稱名士作者允當斯語

寄韞川

故山蕨筍想清肥。破硯深耕不療饑。千里書來先得夢。  
一。年。春。去。又。思。歸。讀。詩。久。曠。趨。庭。日。買。線。重。縫。別。母。衣。  
寄語燈花憑報信。秋風準逐鴈南飛。

馮唐墓

殿前執戟感蹉跎。墓上殘碑蘚蝕多。幾輩黑頭名宰相。  
老來滋味却如何。

鷄鳴臺



熊耳山前信宿來。田文賓客有高臺。行人更比鷄鳴早。可是關門徹夜開。

馬嵬二首

落日興平暗暮塵。青山剩得畫眉春。墳前走馬猶回首。况是長生密語人。  
一抔改瘞悔教遲。重挹香囊泪暗滋。枉費珍珠慰寥寂。樓東無地葬相思。

諸絕悠揚宛轉一聲中有無限餘聲

葉封唐字晉藩上虞人諱生

武靈王

偉哉武靈王。胡服朝羣臣。西北至雲中。徑欲南襲秦。千秋一奇計。所惜事不成。馳馬出函關。秦人已大驚。鄧艾師其意。遂令漢祚促。雲中不入秦。陰平竟入蜀。

田橫

田橫能得士。寧作尸鄉鬼。同死五百人。目無漢天子。英雄骨不朽。墓前苔蘚碧。綠樹滿春山。猶是齊王客。高祖棄社稷。何人能殺身。空為天下主。死去祇一人。

鄭君



楚臣雖仕漢名籍良非理高祖開國主無道一至此鄭君不奉詔寧遭放逐死秋風三尺墳合傍烏江水乾坤有大義父子與君臣臨子而字父伯槐不樂聞客呼温酒來靈寶涕淚傾人臣于故主豈可名其名蒯徹爲蒯通莊助爲嚴助史臣避諱意試問關何故嗟彼名籍者早得據要路

### 衛將軍

富給鮮賢達貧困多俊英嗟哉衛將軍一何不知人適有養馬者任安與田仁將軍不見重家監亦相輕馬下

多舍人有詔擇爲郎所選無貧士鞍馬生輝光二子雖窮約遠勝富家子取彼木偶人徒以衣繡綺所以俠烈客殺身報知己知己不易得感激良有以

### 朱虛侯

朱虛年二十意氣何英銳目中無呂后何況產祿輩慷慨耕田歌直爲鳴不平軍法可行酒凜凜使人驚太后方稱制諸呂正用事誰能櫻其鋒坦然無畏忌廷臣畏若鼠朱虛怒若虎非種必鋤去長劔倚秋雨宮門斬呂產安劉勲第一胡爲千載下嘖嘖稱平勃



陸賈

國家長奠安。大臣必協和。無事且宜然。况當變故多。諸  
呂方擅權。謀欲傾社稷。丞相念之深。計畫將安出。陸生  
進片言。平勃深相結。產祿雖縱恣。一朝得殄滅。始欲告  
太尉。恐其不能從。豈獨多知謀。兼之具深衷。君看宋南  
遷。益念陸生言。將相不相能。中興事可嘆。

以上六詩論古有識且能引例立案  
不專寫本傳筆力峭拔可稱作家

大水

帝命驅海海。欲飛神龍。嗷氣天低。圍雷公怒。擊天門鼓。

電光閃爍助厥威。狂風吹山蛟。啟蟄夜半忽乘雷雨出。  
陡地摧折山頭樹。劈空裂破崖間石。驚濤湧雪看如此。  
未知何事差堪擬。單于千軍逼漢關。天山萬騎摩唐壘。  
馮夷踏浪立如人。跋扈鯨魚掉其尾。剡中人家水滿屋。  
釜內遊魚波浪感。昨日黃雲一片鋪。正值郊原香稻熟。  
而今汨沒同芳杜。水去天晴化作土。田家傾淚助洪流。  
未必江神識此苦。江邊邨落最堪憐。廬舍飄如失纜船。  
幾家八口波濤死。觸體帶血沉深淵。或畱白髮一老父。  
或畱總角幾兒女。傷心骨肉竟何在。身雖幸存命如縷。



爭言此水天之變。百歲老翁亦未見。酒酣我欲賦此詩。  
○竟○住○自○老○

描寫水災  
淋漓盡致

青獅子歌 并序

姚興嘗畜一馬名青獅子每親飼之善通其語  
言時取斗酒投大盆中與馬同飲曰吾與女同  
力報國後尉子橋之戰大將王權先遁興以四  
百騎入敵凡十餘戰權不救援部將戴臯亦坑  
視不救遂與馬同沒於陣予感其事有作

天馬不與凡馬比。蹴踏山河日千里。主非英雄不肯駕。  
敵來辟易固所恥。戰場空濶一聲嘶。不媿名呼青獅子。  
將軍盆中一斗酒。與馬同飲若朋友。久與馬狎通馬語。  
死生相約誓不負。忽聞鼙鼓動地起。將軍血戰戰不止。  
王權全身先遁逃。戴臯怯敵亦去矣。矢盡力竭救援絕。  
自分惟有一死耳。馬亦感激欲捐軀。肯使將軍身獨死。  
權平臯平亦人臣。擁兵坐視馬應嗔。試問若曹見此馬。  
人愧馬乎馬愧人。

人奇馬奇事  
奇詩亦奇



劉字虔丙號小村山陰人著有心遠樓詩集  
後改今各入郡庠已  
丑嘉平芥颿附記

三江觀聞

曉出古雷門。泛舟輕似葉。巖壑送青來。顧盼不暇接。微風撲面過。花香襲衣袷。忽覺船如飛。不知水流急。翹首望三江。遙遙露古堞。舟人怖不前。城坳停短楫。挈友上沙堤。澎湃聲更逼。恍疑萬馬奔。雲騰千里疾。又如六丁雷。撼搖山谷裂。耳驚風雨來。蛟龍鬪珠穴。或聞金鐵撞。噌吰聲不絕。石梁儼渴虹。蜿蜒連雙峽。泉流滙其中。洑

澗無朝夕奔崩十丈高。倒湧千堆雪。疊浪瀉銀河。飛沫噴珠屑。俯視眩兩眸。冷氣寒眉睫。顧瞻太守祠。松栢多陰鬱。壘嶂更攀躋。滄海波瀾濶。山角夕陽低。斜映嵐光碧。行吟上歸舟。鐘聲隔林出。

明皇入月歌

晚唐舉止天津橋畔桐風急。上陽宮裡瑤花濕。月光一片玻璃明。銀漏聲乾秋瑟瑟。上皇此夕神悄然。玉樓何處求瓊仙。漢使秋槎不可問。空餘冰鏡懸青天。鶴警蹠蹠來羽客。能施小技探蟾窟。高舉不用杖。化龍五彩鮫綃向空擲。



須臾紫氣亘碧寥。半天炯炯飛虹橋。曳裾揚袂拂瑤漢。  
 葳蕤雲際天香飄。一時璇璫橫空奏清響。依稀落春溜。  
 白雲頽處水晶融。秋衫隱隱輕寒透。朱門綠榜清虛府。  
 洞開八萬二千戶。貝闕璇臺七寶裝。斫桂丁丁敲玉斧。  
 素女柔肌堦下圍。競舞分明白雪飛。雙袖高低鸞翼薄。  
 汗生粉頰凝春輝。忽聞金磬傳小史。捲起珠簾窺月姊。  
 團扇雙開孔雀翬。鴛鴦鬢雲髻紛難擬。笛弄梅花飛片片。  
 引得人間爭仰面。撒空金豆滿天垂。燦爛流星閃銀電。  
 旋風忽墮白雲表。別緒離情愁未了。仙凡回首隔微茫。  
結得迷離悵惘

碧樹無聲天不曉

商聲雅奏如聽鸞和鸞  
唐中最近陳陶風味

鶴聲

東臯秋氣肅元鶴。戛然鳴夜半。露初冷。江長風更清。  
 翩橫月影一一上天聲。借問黃樓客。何如子晉笙。  
遠致

砧聲

獨有閨中女。偏知旅况難。憑將一片石。敲出別情酸。  
 風緊蟲聲咽。秋高月影寒。迢迢長夜聽。不覺泪頻彈。

縹緲空靈深得滄浪真諦



遊天章寺

一路松陰轉。鐘聲隔樹聽。繫驢投古刹。挈榼扣禪扃。竹粉粘衣綠。嵐光潑眼青。更尋脩禊處。觴詠續蘭亭。

秋蟬

時已三秋逼。何來斷續蟬。清。篤。疎聲咽。涼雨殘。影怯孤烟木。脫雙翎。薄霜清。舊恨傳。難尋千樹碧。嘒嘒亦徒然。

望南鎮

東南巨鎮聳層霄。紫翠嵐開雨氣消。金簡寶藏天地秘。靈祠夜見鬼神朝。不。說。望。字。雲迷松檜仙人窟。風送樓臺羽客簫。

綠字豐碑苔蘚古。封壇千載鬱岿巍。

咏南宋雜事

江北江南各一方。幾年圍急報襄陽。鍊。舊。出。新。鴛鴦曲奏金戈動。蟋蟀聲催鐵騎忙。謠讖忍聞歌白鴈。劫年最慘換紅羊。諸臣死守成何事。畱得芳名古簡香。

巨艦橫江烈火焚。兵戈震地勢紛紛。傷心一紙勤王疏。

洒淚千年生祭文。聲。壯。而。悲。北海波濤沉少帝。厓山風雨泣孤軍。

可憐南渡中興業。回首西泠但暮雲。

有蒼渾氣泯斧蓬痕。可見有書不可無筆。



過柳橋弔王正義先生

不憚捐軀報國恩。先生浩氣至今存。關心獨比王炎午。○比○例○典○切○乃○見○  
立節還同楚屈原。一曲危橋圍柳影。百年殘碣繡苔痕。○本○領○  
傷情古道留遺跡。越土聲名士類尊。

馮南鎮

字配嶽諸  
暨人諸生

柳姑祠

斷碣埋蒼蘚。荒垣接短籬。可憐衰草地。猶號美人祠。波  
靜疑開鏡。山明想畫眉。不堪殘照裏。叢竹影參差。

詩境似  
杜荀鶴

孫

銓

字南湖號荃浦山陰人乾隆  
乙酉舉人著有荃浦詩鈔

伏波將軍銅鼓歌為商寶意先生賦

蒼梧太守返故園。示我銅鼓如龜蹲。云是伏波舊時物。  
日南萬里隨三軍。徵側徵貳煽淫惡。寇掠嶺外殃夔犢。  
維帝曰咨美髯子。汝其往哉清妖氛。古森洞破頭飛滅。  
降旂高矗西屠裂。百萬獠蠻拜鼓前。銅精暗漬猩狔血。  
至今鼓紋已剝落。蠻犀馱處餘鈴索。似鼓非鼓存鼓形。  
團花繡結生古青。鼓身擁腫字不見。邊土蝕爛消銅腥。  
我時欲扣不敢扣。打鼓無椎拂以袖。輓轟震地忽有聲。  
○用○筆○如○搏○鉤○曲○折○有○力○



恍恍蠻魂啼白晝。吁嗟鼓兮胡爲來。金門銅馬同灰埃。  
報功報親兩難恃。椒房未許圖雲臺。五溪轉戰將軍死。  
薏苡文。眞空嫌猜。蜚謗一朝騰。乳臭萬里功名竟何有。  
銅柱荒涼鎖碧蕪。此鼓無乃有鬼守。君不見漆槌化人  
能作歌。石鼓迸土移平坡。此鼓見之亦偶爾。萬物顯晦  
理則那。歌成對鼓還再拜。慎勿飛騰顯光怪。

隨題轉折有詼蕩有精采法本之初盛唐賢

葛仙丹井歌用放翁韻

葛洪仙去千餘年。葛洪丹井留清泉。緣崖捫草訪遺蹟。

蒼苔碧樹空依然。此井汪深有龍臥。丹成九轉天花墮。  
怪雨旬旬龍怒飛。空山一夜風濤過。至今仙竈化烏有。  
古澗泥澄雲作友。水花春泛桃花紅。中有丹砂未乾酒。

連綴作收不必另生枝節自具雋妙清微之致

北上畱別邵芥山沈可人劉玉屏珠湖兄弟

大堤芳草碧如茵。正逐東風踏軟塵。早歲賈生思用漢。  
敝裘蘇季再游秦。片雲空望三三逕。尺素還憑六六鱗。  
一曲贈驪難屬和。綠波南浦欲沾巾。

張

華

字縉魁岷縣人諸生著有月田詩草



松根讀書圖

丈夫豪舉凌青雲。生平屈志惟典墳。昌黎以書為麴蘖。少陵讀書秋樹根。白石之際長松陰。朝朝暮暮誰披吟。長松如龍石如虎。松老勁兮石分俱。千古以松為筆石為牋。突兀槎枒發靈府。

晚泊江村

茅舍深深竹掩門。四圍嫩綠長苔痕。艤舟隔岸聞雞語。幾樹桃花是一村。

精緻可入畫苑

王煇倫 字履常山人諸生

題李暮鑑湖吹笛圖

大唐梨園一代奇。天子親作梨園師。上陽初奏新翻調。偷出宮墻明月時。李暮吹笛稱第一。鑑水溯洄人不識。泛舟三弄奏哀音。衰柳黃蘆少顏色。道士庄前白髮翁。呼船同載秋風中。一聲激響裂金石。波濤沆瀣驚魚龍。此事相傳已千載。何來妙手暮生熊。不貌承恩按樂時。偏寫飄零入湖海。回想宸遊倦早朝。尋聲畫譜天津橋。酒家試奏宮中曲。一騎飛來見紫霄。漁陽急促動鼙鼓。



夾敘史事筆情橫逸

荆榛四野馳豺虎。天子不保私誓。軀阿環玉質埋黃土。  
刁斗魂銷誰忍聞。兩京淪沒弔殘軍。可憐凝碧池頭宴。  
只有雷生死報君。撫圖宛轉增愁慨。新聲忘倦由儕輩。  
宴安鳩毒聖所陳。奇技淫哇古為戒。豈惟不識赤心奸。  
苞苴女謁自貽害。李暮李暮技最精。扁舟幸遇獨孤生。  
試停鐵笛談天寶。定有幽魂掩淚聽。

構思設色長慶集中合作

伏波將軍銅鼓歌

狸獠百鍊金銅精。銅魚一擊靈鼉鳴。銅花斑剝歷千載。

金銀釵擊聲不改。伏波勲業標蠻中。我今見鼓懷英風。

定軍銅鼓傳諸葛。此鼓形製將母同。舊聞獻鼓南郡子。

近有作歌梁太史。南海廟中銅鼓靈。一懸殿角一沉水。

此鼓又傳是伏波。伏波平蠻得鼓多。須知將軍之傳不。

在鼓君不見分茅嶺下銅柱高。峩峩

癸未秋過訪石驪山人適其門下士重續西園舊會  
余因以守粵時所得伏波銅鼓為題恣肆陸離各抒  
華藻此作獨以簡峭勝

菜花

狼籍桃花後。芳塍障綺羅。總饒田野氣。不入錦雲窩。細



雨霑黃犢輕風土綠蓑劉郎偏賞識曾譜踏春歌  
三四孤情兀慕五六襯托  
確切得離形寫影之訣

病不隨年去愁偏與歲增心驚雙白髮業守一青燈家

計艱薪米生涯藉友朋春風明日至慚愧九霄鵬

家常語瑣瑣屑  
眉愈見其真

過治平道院弔潘義士

布衣殉國難東渡悟浮塵骨白江湖月魂留天地春指  
松矢勁節拜石擬前身駐馬仙宮側西風一愴神

領聯用義士絕  
命詞自成奇句

越王祠

爭長黃池後天心幸可圖美人恩未盡沼水已沉吳事  
敵謀雖詭忘仇意自愚莫言懸目者廟算愧陶朱

人人有此意  
而落墨自別

渡錢塘江

不盡錢塘水奔流接大荒修。爽。爲分吳越界曾作戰爭場胥  
怒無終極潮來自混茫如何强弩發浩氣亦潛藏

讀南宋史



開封畱守經營日。樓櫓森嚴再造時。北去士民知向帝。  
南遷臣主畏臨師。晉人無復中原畧。秦寇空驚別墅棋。  
兵未渡河身已死。英雄遺恨最淒其。  
半臂親承血數行。兩宮存歿久茫茫。小戎不見歌秦俗。  
大內何由謁上皇。馬角徒悲邊地雪。龍髯竟墮海天霜。  
關心空有晨昏使。通問時時到朔方。

取調在唐便有壯浪跳擲之氣

尤愛其使事含渾骨肉相問

沈宗信字可人號愚亭山陰人諸生著有愚亭詩草

王湘洲十里梅園圖爲宗芥颯作

楓林葉落水波淺。秋老江南小春轉。野梅向暖參差開。  
十里風温氣柔軟。王郎下筆如有神。指間拂拂生陽春。  
冰綃一幅巖壑貯。丹砂玉粒飛香塵。探梅三五隱居子。  
心閒貌古空山裏。平苔添寫石如牀。花片琴絃共流水。  
雪湖石田合一圖。宗生得此珍瓊琚。中餘板橋草塲濶。  
我亦擬結梅花廬。因思昨夜羅浮夢。積雪初晴雲半凍。  
美人小字萼綠華。萬玉堆中笛三弄。十年面目塵未除。  
居然跨鶴乘仙輿。今朝翫畫忽回首。卻與夢境同清虛。  
詩成毛骨颯然冷。鐘斷燈微諸籟靜。身在梅園十里遊。

以勒作紐下便迎刃而解

二語勝於讀書



一鈞殘月橫斜影

仍。是。清。虛。夢。境。  
承接頓挫  
具見手法

古劍篇

昔聞豐城寶氣射斗牛。蒼龍怒吼風颼颼。又聞汲郡干  
將古塚出。電激青蛇閃寒日。古來利器寧久埋。一慰壯  
士平生懷。昨聞客過咸陽市。匣底新抽三尺水。云是老  
蛟魄所化。其鋒不在龍泉下。有時掛壁夜吐光。欲持獻  
之管涔王。虎兕不驕魑魅絕。股鐔暗帶千年血。風胡薛  
燭無其人。此劍寂寂埋風塵。君不見霜鷹斂翅鳴不已。

老驥伏櫪有年矣。劍兮劍兮姑舍諸。天下英雄都學書。

熟題舊意讀之彌覺其  
新是其用筆不猶人處

夜過上方寺

山磬一聲靜。白雲深幾層。暗驚當路石。高見上方燈。古  
澗分寒水。禪門壓瘦藤。無言坐岑寂。露菊細香凝。

通首俱從  
靜中領會

楊忠愍公祠

容城嶽嶽表孤忠。筆底風雷想像中。未得漢廷收石顯。  
何難西市棄陳東。草成奸罪嗟辭費。獄借親王掩主聰。

話。有。見。地。



痛激一生惟有膽。千秋浩落貫長虹。

谷。別。釣。臺。懷。古。

石臺高峙絕浮塵。臺畔寒流繞富春。自有星辰尊作客。可知天子不能臣。中垣龍虎符全局。東漢衣冠賴此人。七里桐江秋月夜。清風時拂紫綸巾。

極矯爽。又極見成。桐江烟水正未許。後人閣筆。

朱景超。字燕封。號虎亭。山陰人。國學生。

蚤起

蚤起怯露寒。東方盼初旭。殘星依斷壘。雞聲出茅屋。雙

曉。景。宛。然。

漿盪輕波。界破一痕綠。羣山列翠螺。峭石流飛瀑。樹影碧森森。雲容遙矗矗。釣客坐苔磯。正唱滄浪曲。

與劉蒼野盛遠臯遊文山

羣岡連不斷。面面擁平原。松竹葆寒綠。弱草委陳根。涼風振衣裾。天際生微雲。奄然歲已暮。山水露其真。茲遊良未厭。相視欲無言。

官人奴

桃李有艷色。毋為在路隅。開花不作實。棄置委泥塗。女兒生姣冶。勿為官人奴。老夫不得嫁。私愛徒區區。自昔



充賤役已及破瓜初。鷓髮三尺長。阿母爲縮梳。上堂侍  
樽酒。下堂理庖厨。勞苦分應得。豈敢望恩殊。多謝主人  
子。不以下體拘他人。未云好主人。獨言姝。貽我玳瑁簪。  
贈我明珠。感此寵遇厚。寧惜微賤軀。心心相結愛。結  
愛十年餘。盛時不可再。芳容難久居。主人自有婦。女兒  
本無夫。昨日于歸子。煜耀七襄車。新姿何綽約。綽約似  
朝葉。牽帷入繡幙。雙雙比日魚。自甘中道絕。紈扇長嗟  
吁。好鳥嫉共巢。嬌花愁並株。蛾眉妬廣袖。新歡間舊娛。  
一朝大詬詈。何以謝羅敷。青松色易改。男兒情意殊。顧

此婢僕賤不足任。使驅端坐勿懊惱。誓當鞭朴渠。可憐  
朝至暮。宛轉無完膚。阿母吞聲泣。痛惜掌上珠。再拜向  
母跪。但悔從前愚。潔身旣不敢。失節亦可誅。怨結當誰  
訴。忍辱不斯須。空房燈燭暗。畢命休。脚躡俯仰無生趣。  
黃泉母女俱哀哉。紅顏薄人命等蟻。蛆婦言雖可畏。慎  
無效狂且。

體格似香山言者  
無罪聞者足戒

玉茗堂

玉茗紅燭暮。雪裏畫蕉意。堂空花不發。山鳥啼寒翠。老

幽。邊。



叟荷鋤來。蔓菁自種藝。

食菽詞

東家西家倉少粟。大戶小戶盡食菽。糶粟一斗菽一斛。食菽猶勝粟作粥。老婦含悲幼子哭。健兒吞聲力不續。篋衣典盡更鸞屋。饑未充分寒莫贖。城中官府擁大燾。自奉不可食無肉。偏有惠政解民戚。叶新斂富民平糶。

結語婉而多風

高

渭字卜亭號清溪會稽人國學生著有三餘偶錄

補祖士雅聞雞起舞歌

晉太安中士雅與劉琨俱為司州主簿同寢中夜聞雞鳴。蹴琨覺曰。此非惡聲也。因起舞。當時

不傳有歌為補之

一。起。題。神。已。舉。丈夫慷慨志傑士。磊落胸生當太平。日尚樹開濟功。况

茲烽燧徧國危。朝露同骨肉自相殘。天子屢塵蒙。諸戎

更紛擾。安定仗英雄。帝秦魯連恥。報韓張良忠。彼無尺

寸柄。氣象何印。願有志事匡復寧。嗟途路窮。帳外露華

白。燭焰搖西風。忽聞膠膠聲。破寂警頑聾。畫角助之悲。



朔氣相流通。披襟不待旦。揮劍如長虹。舞罷一高嘯。霜  
月中庭空。月中庭空。月中庭空。月中庭空。月中庭空。月中庭空。  
更。似。刻。溪。懷。戴。安。道。更似刻溪懷戴安道。更似刻溪懷戴安道。更似刻溪懷戴安道。更似刻溪懷戴安道。更似刻溪懷戴安道。  
溪水清且漣。溪風自來去。山繞遠藏村。水曲疑無路。乘  
興發高歌。觸景增遠慕。不見烟霞人。空領烟霞趣。興發高歌。觸景增遠慕。不見烟霞人。空領烟霞趣。興發高歌。觸景增遠慕。不見烟霞人。空領烟霞趣。

秦皇驅山鐸歌

始皇東向廵。扶桑欲駕滄海愁。無梁驅山作橋。使神鐸。  
怪石亂走如羣羊。項王拔山氣烜赫。愚公移山力盤蹠。  
驅來蟠螭落長空。嶷嶷石亦勞。行役神物離。竒逞狼虎。

浩劫難逃楚三戶。咸陽烽火燭天此。鐸銷鎔化焦土。  
再用一二。穢作收餘勇可賈。

君不見巨靈劈開太華峯。河流底定留仙蹤。又不見五  
丁鑿破蠶叢路。蜀道艱難任來去。暴秦遣役無日寧。民  
欲求生不得生。何如驅石作長城。萬雉神功不日成。

柯亭椽竹歌

天生良材識者少。一經淪落風塵老。吁嗟椽竹橫高遷。  
歲月蒼茫誰見憐。中郎避難偶棲息。鳳榦龍根在咫尺。  
玲瓏斲削碧瑤光。卓哉聲價登珍席。雲和之瑟落霞琴。  
宮商清濁諧和音。青谿一曲聲寥亮。高天落木飛蕭森。



更有良材遇合同。夔餘物色稱焦桐。賞音之奇均若此。  
。確。論。未。經。人。道。過。  
中郎從目不從耳。

塞下曲

。高。渾。這。真。盛。唐。  
旌旆陣雲連。皇威萬里宣。沙平鵬掠地。木落雁橫天。戰  
士爭歌凱。將軍已定邊。黃塵馳檄路。四望靜烽烟。

遊東山寺和劉枏亭夫子韻

寶殿縈蛛網。翻經絕少僧。莊嚴天竺佛。黯淡上方燈。碑  
。金。荃。集。中。佳。句。  
斷苔猶護龕。危石欲崩東。西閒眺罷懷。古意難勝。良正

龍山詩巢題壁

龍山傑構倚雲邊。六子遺徽未渺然。刻竹有詩仍結社。  
散花別院可談禪。。旁。有。永。福。寺。風騷衣鉢開前哲。壇坫東南  
繼後賢。梓里辦香無恙在。正宗應自浣花傳。

松影

百尺參天蔭更濃。輕風披拂影重重。橫搖峭壁疑翻鶴。  
倒入空潭欲化龍。望去難容霜雪護。移來不辨蘚苔封。  
黃山萬樹模糊甚。偃蓋亭亭印數峯。

竹影

掃徑踈踈不動塵。此君丰度證前因。湘江帶淚空生暈。



淇水無波淡寫神搖曳到門誰是客朦朧隔牖悄無人  
分明一燈湖州法掀舞龍蛇態自新

梅影

枝南枝北影參差消瘦精神暗自支竹外烟籠分隱現  
山中雪滿看迷離疎疎漾水冰消處寂寂橫窗月上時  
遙憶灞橋驢背客幾回凝望費相思

以上三影詩隨物有形描寫入化非同馬首之絡真咏物高手也

秋日江村雜興

一徑蕭疎樹影微尋幽倦即坐苔磯隔離小犬迎人吠

只為村深客到稀

溪流環繞舍西東倒映長天一色同最愛歌聲來遠浦

采菱舟泛夕陽中

二詩風韻俱近放翁

錢金堅 字江青會稽人諸生

和落葉原韻十二首 選四

千章枝葉正婆娑自聽秋聲便改柯征雁寒驚巫峽露

清猿哀叫洞庭波霜凝浦口飛還重風聚山坳積更多

一抹林梢疎影動片雲搖曳補輕羅



寒烟如織滿林披。靜掃閒階坐賭棋。多病只緣驚舊夢。  
有心何處寄新詩。幾迴不覺淪衰草。半脫猶思戀故枝。  
莫恨秋容都寂寞。青松栢見知時。  
滿窗霜月入疎林。無數寒砧暗慘神。蕭寺書來留古跡。  
空庭拾去結前因。離愁盡寄江流水。別恨都歸驛路塵。  
一陣秋風聲過處。紛紛封着碧苔茵。  
西風時作樹間聲。樹裡銀河斷續明。白露乍驚連夜降。  
青山忽見數峯橫。亂招稚子迎門掃。暗逐樵人遶徑行。  
窓外月斜清夢醒。東牆疎影最關情。

朱廷標

字雪帆會稽人諸生著有雪帆詩鈔

登怪山尋鰻井遺跡

白傳昔飛來。咄咄稱怪事。巖上有深泉。時聞鰻出戲。井  
無耗溢時。鰻可懷袖置。當時鄉居人。以見占災戾。我因  
訪古跡。着屐上山寺。石竅無復存。長纆將焉試。大抵物  
性靈。不久徵奇異。文采雖可覩。屢見增人忌。水族無山  
居。因之隨井廢。

未數語卽小喻大筆力直追老杜

曹江觀競渡



烈哉曹氏女。浮江同屈子。彼天。然。陪。客。以忠君亡。此以殉父死。中  
國並鬚眉。忠孝無異理。茲折。入。幽。元。非常五日。龍舟迅如駛。豈欲  
拯芳魂。聊以獻捷技。芳魂如可拯。芳名反有已。惟此不  
朽靈。羣奉鬧如市。飛鳧掠水來。噴沫空中起。人同兒戲  
觀。我作碑陰視。大抵感人心。惟忠與孝爾。



